

Ette äänestää

Vaali 9 syyskuuta 2018.

Näin sie äänestät vaalissa valtiopäivile, kunnan- ja maakärjävaltuusthoon.



Kukas saapii äänestää?

Ette saaja äänestää sie häyt olla täyttäny 18 vuotta viimisthään vaalipäivänä. Tiot kansanrekisterissä 30 päivää ennen vaalipäivää ratkasevat jos sulla oon äänestysioikeus ja mihinkä vaalitistrikthiin sie kuulut.

Sulla oon äänestysioikeus valtiopäivile jos sie olet:

- ruottalainen kansalainen ja olet elikkä olet ollu kirjoila Ruottissa.

Sulla oon äänestysioikeus kunnan- ja maakärjävaltuusthoon jos sie olet:

- ruottalainen kansalainen ja olet kirjoila Ruottissa.
- kansalainen jossaki Eurooppalaisen yniuunin jäsenmaassa elikkä kansalainen Iislandissa elikkä Norjassa ja olet kirjoila Ruottissa.
- kansalainen jossaki muussa maassa ja olet ollu kirjoila Ruottissa kolme vuotta peräkkää ennen vaalipäivää.

Sulle jollako oon äänestysioikeus tullee äänestyskortti

Sulle jollako oon äänestysioikeus, tullee äänestyskortti postin kansa suunile kolme viikkoa ennen vaalia. Äänestyskortissa seisoo mihinkä vaahliin sulla oon äänestysioikeus ja nimi, osote ja aukioloajat sinun vaalipaikale. Äänestyskortissa oon kansa informasuunia paikoista missä etukätheisäänestää. Jos sie meinaat etukätheisäänestää sie häyt ottaa matkhaan sinun äänestyskortin.

Jos sie et ole saanu sinun äänestyskorttia elikkä olet puottanu sen, sie saatat tilata uuen kunnasta elikkä Vaalivirastosta.

Vaaliseetelit

Vaaliseetelit oon keltaset vaahliin valtiopäivile, valkeat kunnanvaltuuston vaahliin ja siniset maakärjävaltuuston vaahliin. Vaaliseeteliä oon joka paikassa missä sie saatat äänestää ja parttioitten tykönä.

Jos sie äänestät etukätheen elikkä asiamiehen kautta sie saatat tarttea tilata elikkä noutaa vaaliseeteliä parttioilta elikkä sinun kunnasta.

Äänestä parttiota

Sie äänestät ensinki parttiota. Parttion nimi oon vaaliseetelin päälä. Jos sie et löyvä sinun parttion vaaliseeteliä, sie saatat ottaa tyhjän vaaliseetelin ja kirjottaa parttion nimen niin selvästi ko maholista sen pääle.

Henkilöäänestä

Jos sie halvaat ette joku erityinen parttion kantitaatista tullee valituksi, sie saatat antaa sille henkilölle henkilöäänän kryssäämällä ruuthuun joka oon ennen kantitaatin nimeä vaaliseetelissä. Sie et saata kryssätä ko yhen kantitaatin.



Sie häyt näyttää ette sie olet sie

Sie häyt saattaa toistaa sinun identtiteetin ette saaja äänestää, näyttämällä id-paperit esim ajokortin elikkä passin. Jos sulla ei ole id-paperia niin joku muu henkilö saattaa toistaa sinun identtiteetin, mutta silloin se henkilö pittää näyttää id-paperin.

Äänestys

Äänestä sinun vaalipaikassa vaalipäivänä

Sie et saata äänestää ko sinä vaalipaikassa joka seisoo sinun äänestyskortissa. Vaalipaikka ei ole auki ko vaalipäivänä. Ko sie äänestät sinun vaalipaikassa sinun nimi prikathan pois äänestysluettelusta ja sinun äänestykset panthaan vaaliyryrhnoin.

Etukätheisäänestä sinun omassa elikkä muussa kunnassa

Etukätheisäänestys tarkoittaa ette sie äänestät muuala ko sinun vaalipaikala. Etukätheisäänestys alkaa suunile kolme viikkoa ennen vaalipäivää ja oon käynnissä vaalipäihvään saakka.

Sulla häätyy olla matkassa sinun äänestyskortti ko sie etukätheisäänestät sillä ette se käytethään ette lähättää sinun äänen sinun vaalipaikale. Se oon sielä jo-ssako sinun ääni räknäthään.

Sie saatat saaja informasuunia missä sie saatat etukätheisäänestää Vaaliviraston webbipaikasta www.val.se elikkä sinun kunnasta.

Äänestä ulkomailta

Jos sie olet ulkomaila sie saatat preiviäänestää elikkä äänestää monessa ruottalaisessa ampasaatissa ja konsylaatissa. Jos sie preiviäänestät sie tarttet materiaalia jonka sie tillaat Vaalivirastosta. Sie saatat preiviäänestää varhaimiten 45 päivää ennen vaalipäivää ja äänestää ampasaatila ja konsylaatila varhaimiten 24 päivää ennen vaalipäivää.

Jokku saattavat äänestää asiamiehen kautta

Sie saatat äänestää asiamiehen kautta jos sulla oon korkea ikä, olet sairas elikkä toimintarajotettu elikkä jos sie itte et saata tulla sinun vaalipaikale elikkä äänestyspaikale. Silloin sinun mies, vaimo elikkä sampu, sinun miehen, vaimon elikkä sampun lapsi, lapsenlapsi, vanheemat elikkä siskot saattavat olla asiamiehenä. Jos oon joku joka ammatillisesti elikkä vastaavalla laila antaa sulle hoitoa elikkä pruukaa auttaa sinua, niin se henkilö saattaa kansa olla asiamiehenä.

Sie saatat kansa äänestää asiamiehen kautta jos sinun oon piätetty elikkä jos sie olet fankilahoijossa. Silloin henkilökuntaki saattaa auttaa sinua. Jos sie olet maalaispostinkantajalinjaa pitkin, niin maalaispostinkantaja saattaa olla sulle asiamiehenä. Jos sie et tunne kethään joka saattaa olla asiamiehenä sulle, sinun kunta saattaa järjestää äänestysvastahanottajan joka tullee sinun työ kotia. Ota yhtheyttä sinun kunnan kansa.

Ette saaja äänestää asiamiehen kautta sie tarttet vasitun materiaalin jonka sie tillaat kunnasta elikkä Vaalivirastosta.